

## **МЕСЯЦА ДЕКЕМВРИЯ В 30-Й ДЕНЬ**

### **СЛУЖБА СЯТИТЕЛЮ МАКАРИЮ, МИТРОПОЛИТУ МОСКОВСКОМУ И ВСЕЯ РУСИ, ЧУДОТВОРЦУ**

#### **НА ВЕЛИЦЕЙ ВЕЧЕРНИ**

**На Господи, воззвах: стихиры праздника,  
и святого, глас 1.**

**Подобен: Небесных чинов:**

**Блаженства** воистинну святых, / ихже прославил еси, / отче святителю Макарие, / достигл еси во Царствии Небеснем, / идеже ныне радуяся, / молися о спасении душ наших.

**Блаженства** и части праведных, / с нимиже сочетался еси, / отче святителю Макарие, / вкусил еси во Царствии Небеснем, / идеже ныне насыщаяся, / молися о спасении душ наших.

**Блаженства** евангельская, / ихже на земли проповедал еси, / отче святителю Макарие, / обрел еси воистинну на Небеси, / идеже ныне мздою веселяся, / молися о спасении душ наших.

**Блаженство** тезоименитое, / егоже в житии возжелел еси, / отче святителю Макарие, / стяжал еси в жизни вечней, / идеже ныне покояся, / молися о спасении душ наших.

**Слава, глас 8:**

**Блаженный** миротворец / в стране Российстей был еси, / отче святителю Макарие, / сего ради сын Божий достоин еси нарещися на Небеси, / идеже ныне во славе пребываеши, / молися присно о спасении душ наших.

**И ныне, праздника глас 2.**

**Августу** единоначальствующу на земли, / многоначалие человеков преста: / И Тебе вочеловечшуся от Чистыя, / многобожие идолов упразднися. / Под едином царством мирским грады быша, / и во едино владычество Божества языцы увероваша. / Написашася людие повелением Кесаревым, / написахомся вернии именем Божества, / Тебе вочеловечшася Бога нашего. / Велия Твоя милость, / Господи, слава Тебе!

**Вход. Прокимен дне. Чтения три святительская.**

**На стиховне стихиры, глас 2.**

**Подобен: ДOME Евфрафов:**

**ДOME** Духа Святого / и Царствия наследниче, / блаженства достигл еси, / святе Макарие, / молися о присно славящих тя.

**Стих:** Блажен муж, бояйся Господа, / в заповедех Его восхощет зело.

Блаженне и чудне, / мужу желаний Господних / и заповедей Его ревнителю, / святе Макарие, / молися о присно воспевающих тя.

**Стих:** Препоясуяся оружием твоим, и наляцы, и успевай, и царствуй / истины ради, кротости и правды.

Жезле милосердия, / палице благодати, / угодниче Христов, / пастырю истинен, / молися о присно блажащих тя.

**Слава, глас и подобен тойже:**

Собор святых русских, / иже тщанием твоим, святителю, дивно прославлен бысть, / с веселием вопиет ти: / радуйся, Макарие, / блаженству тезоименитый.

**И ныне, праздника.**

Тайно родился еси в вертепе, / но небо Тя всем проповеда, / якоже уста звезду предлагая, Спасе, / и волхвы Ти приведе / верою поклоняющихся Тебе: / С нимиже помилуй нас.

**Тропарь, глас 4:**

Яко великим пастырем единоправна / и учителем вселенныя единомысленна, / Божия Премудрости служителя изрядна, / иже блаженству тезоимениту, / днесь, вернии, вси воспоим: / Христа Бога моли, святителю Макарие, / умирिति мир и спасти души наша.

## **НА УТРЕНИ**

### **На Бог Господь: тропарь праздника дважды,**

**Р**ожество Твое, Христе Боже наш, / возсия миру свет разума: / в нем бо звездам служащий, / звездою учаюся, / Тебе кланяются Солнцу правды, / и Тебе ведети с высоты Востока: \ Господи, слава Тебе.

### **Слава: тропарь, глас 4:**

**Я**ко великим пастырем единомравна / и учителем вселенныя единомысленна, / Божия Премудрости служителя изрядна, / иже блаженству тезоимениту, / днесь, вернии, вси воспоим: / Христа Бога моли, святителю Макарие, / умирити мир и спасти души наша.

### **и ныне, праздника.**

**Р**ожество Твое, Христе Боже наш, / возсия миру свет разума: / в нем бо звездам служащий, / звездою учаюся, / Тебе кланяются Солнцу правды, / и Тебе ведети с высоты Востока: \ Господи, слава Тебе.

### **По 1-м стихословии седален, глас 4.**

#### **Подобен: Вознесыйся:**

**Д**несь святителя Христова Макария пречестная память светло возсия нам. / Сиянием книжных списаний просветил есть верных соборы / и ныне молит Христа Бога / даровати нам истинное ведение Его Божественных заповедей.

### **Слава, и ныне, праздника.**

**В**ясlex нас ради безсловесных положился еси, / долготерпеливе Спасе, / младенствовав волею, / пастырие же Тя воспеша со ангелы, зовуще: / слава и хвала на земли Рожденному / и Обожившему земнородных существо, / Христу Богу нашему.

### **По 2\_м стихословии седален, глас 3.**

#### **Подобен: Красоте девства:**

**П**ревечнаго и Непостижимаго, / Соприсносушнаго Невидимому Отцу, / во утробе плотски носила еси Богородице, / Едино и неслиянное Троицы Божество. / просия благодать Твоя в мире, Всепетая, / темже непрестанно вопием: / радуйся Чистая Дево Мати.

### **Слава, и ныне, тойже.**

### **По полиелеи седален, глас 8.**

#### **Подобен: Поведенное тайно:**

**Я**ко солнце пресветлое, возсиял еси Русстей земли / добродетельми твоими и непорочным житием, / отгоняя страстей омрачения, отче святителю Христов. / Сего ради вопием ти: / радуйся, блаженне Макарие, похвало Церкви Христовы и великий чудотворче.

### **Слава, и ныне, Богородичен:**

**Т**ы еси Божественная Сень Слова, едина Пречистая Богомати, / чистотою ангелы превозшедшая, / очисти нас от грехов и всякия скверны, Богоневестная.

**Степенна, глас 4. Антифон 1-й, ихже стихи повторяюще поем:**

**О**т юности моя / мнози борют мя страсти, / но Сам мя заступи, / и спаси Спасе мой.

**Н**енавидящии Сиона, / посрамитесь от Господа, / яко трава бо огнем / будете изсохше.

**Слава:** / Святым Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

**Прокимен: глас 4:**

**Прокимен:** Честна пред Господем / смерть преподобных Его.

**Стих:** Что воздам Господеви о всех, яже воздаде ми?

**Евангелие от Иоанна, зачало 36.**

**Р**ече **Г**осподь **С**воим учеником: **А**зъ **ѣ**смь двѣрь: мною **ѣ**ще кто внидетъ, спсѣтсѧ, и внидетъ и изыдетъ, и пажить оберщуетъ. **Т**ать не приходитъ, развѣ да оукрадетъ и оубѣетъ и похвѣтитъ: азъ **пр**идохъ, да животъ имѣтъ и лишше имѣтъ. **А**зъ **ѣ**смь пастырь добрый: пастырь добрый дѣшѧ свою полагаетъ за овцы: а наемникъ, **ѣ**же нѣсть пастырь, **ѣ**мѣже не сѣтъ овцы своѣ, видитъ волка грядѣща и **ѡ**ставляетъ овцы и бѣгаетъ, и волкъ расхититъ ихъ и распѣдитъ овцы: а наемникъ **в**ѣжитъ, **ѣ**кѡ наемникъ **ѣ**сть и **н**ерадитъ **ѡ** овцѧхъ. **А**зъ **ѣ**смь пастырь добрый: и **зн**аю моѣ, и **зн**аютъ мѣ моѣ: **ѣ**коже **зн**аетъ мѣ оцъ, и азъ **зн**аю оца: и дѣшѧ мою полагю за овцы. **И** **н**ны овцы **ѣ**мамъ, **ѣ**же не сѣтъ **ѡ** двора сего, и **т**ылъ мѣ **п**одобаетъ привести: и **г**ласъ мой **ѡ**услышатъ, и **в**ѣдетъ **ѣ**дино стадо (и) **ѣ**динъ пастырь.

**По 50-м псалме**

**Слава:** / Молитвами апостолов, / Милостиве, очисти / множества согрешений наших.

**И ныне:** / Молитвами Богородицы, / Милостиве, очисти / множества согрешений наших.

**Таже, глас 6:** Помилуй мя Боже / по велицей милости Твоей, / и по множеству щедрот Твоих / очисти беззаконие мое.

**Стихира, глас 6:**

**Е**гда в нощи моляшеся пречудный Макарий, / тогда со трепетом зряше видение страшное / и, ужасом одержим, / слезы источая, вопияше: / о Господи, како мне видети сие: / грядет нечестие, крове пролитие / и разделение земли Русския, / но, о Иисусе, / молюся прилежно, пощади / и, аще не помилуеши, не даждь мне видети сие.

#### **Канон святителя, глас 4.**

##### **Песнь 1**

**Ирмос:** **Моря** чермную пучину / невлажными стопами / древний пешешествовав Израиль, / крестообразныма Моисеовыма рукама / Амаликову силу в пустыни победил есть.

**Великий Царю, Содетелю всех, / очисти благоутробием душу мою и отжени страстей омрачения, / да возвеличу, Спасе, угодника Твоего, святителя Макария.**

**Правды Божия** взыскуя, измлада Христу последуя, / обители преподобнаго Пафнутия достигл еси, святе Макарие, / идеже многая лета во уставе пребыв, житие жестокое и благое вкусил еси.

**Лествицею** добродетелей на Небеса возшел еси, / тем и Христос тя, святителю, еще на земли суща, в меру возраста приведе / и обители Можайския наставника постави.

**Богородичен:** Ниво духовная, якоже из бразды клас, / изнесла еси всю тварь Питающаго всячески, Приснодево.

**Катавасия:** **Христос** раждается, славите. / **Христос** с Небес, срящите. / **Христос** на земли, / возноситеся. / пойте Господеви вся земля, / и веселием воспойте, людие, / яко прославися.

##### **Песнь 3**

**Ирмос:** **Веселится** о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Единым** помыслом к Богу устремився, / во обителях преподобных Пафнутия и Ферапонта пребыл еси во всяцем воздержании, / отонудуже ко святительству Богом призван быв, Макарие досточудне.

**Святыя** Церкви Новаграда пастырь и учитель был еси, / храмы украшая и духовною добротою люди исполняя, / пределы Новаграда светом Христовы веры просвещая, блаженне отче Макарие.

**Писания** отеческая возлюбил еси, блаженне святителю, / и Церковь Премудрости Божия священными лепотами преукрасил еси, / возвеличив ю учением богогласным.

**Богородичен:** **Мертвости** и тли избавися род человекъ, / естеством бо Жизнодавца безсеменно родила еси, Дево Всенепорочная, / во спасение восхваляющих Тя верно.

**Катавасия:** **Прежде** век от Отца Рожденному нетленно Сыну, / и в последняя

от Девы Воплощенному безсеменно / Христу Богу возопиим: / вознесый рог наш, / свят еси, Господи.

### Седален, глас 1:

Наставника иночествующих, Пафнутия преподобнаго, блажит град Боровск, / славит Можайск Ферапонта блаженнаго, / Новград восхваляет Александра Свирскаго со Ионою святителем, / славословит славнейший град Москва первопрестольника Иону со иными чудотворцы, / ты же от всех сих вкупе славословие приемлещи, Макарие чудне.

### Слава, и ныне:

Патриарх Иаков, ясно провидев, Спасе, величия строения Твоего, / вопияше духом ко Иуде, глаголя тайно: / от леторасли возшел еси, сыне мой, / возвещая Тя от Девы Бога.

### Песнь 4

**Ирмос:** Любве ради, Щедре, Твоего образа / на Кресте Твоем стал еси, / и растаяшася языцы: / Ты бо еси, Человеколюбче, / крепость моя и хваление.

Троицу, Отца, Сына и Святаго Духа, апостольски проповедати повелел еси, / непросвещенную лопь и иныя северныя языки ко Христу привел еси, низвергая бесовская требища, / и нас просвети, святителю, светом истиннаго познания.

Имя твое, великия добродетели ради, всюду проповедано бысть, / яко из самыя Святыя Земли, идеже Господь наш плотию распят бысть, священныя дары прияти сподобился еси, / нам же моли, отче Макарие, Небеснаго Иерусалима достигнути.

Архипастырски трудився, / Божиим промыслом преемник и наследник Московских святителей быти сподобился еси, / идеже чудными добродетельми украсился еси.

**Богородичен:** Адам свободися, и Ева ликует, / и вопиют духом к Тебе, Богородице: / Тобою избавихомся первородныя клятвы, явльшуся Христу.

**Катавасия:** Жезл из корене Иессеова, и цвет от него, Христе, / от Девы прозябл еси, из горы хвальный приосененныя чащи, / пришел еси воплощся, / от Неискусомужныя, / Невещественный Боже: / слава силе Твоей, Господи.

### Песнь 5

**Ирмос:** Ты, Господи, мой Свет, / в мир пришел еси, / Свет Святый, обращаая из мрачна неведения / верою воспевающия Тя.

Московского престола украшение дивное был еси, святителю, / темже и людие вси чудна нарекоша тя, / с нимиже и мы ныне празднующе память твою, согласно тя величаем.

Иже доброте церковней поревновав, великия и дивныя соборы созвал еси, / имиже новым чудотворцем земли Российския празднование утвердися, / и тако Церковь Русская просия подвиги чад своих, якоже перлы драгоценными.

**Всея** земли Русския благочестие постигл еси, отче Макарие, мучениколюбче преизрядне, / яко пчела, отовсюду духовное сокровище собрав, / и яко жертву благоприятную на свещнице церковной возжегл еси.

**Богородичен:** Руно орошенное, Дево, пламень грехов моих угаси, / Купино неопалимая, страстей моих терние попали, / подающи ми на воде упокоения жити, и геенскаго мя огня свободы.

**Катавасия:** Бог сый міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставляшесе, / от нощи утренююще, славословим Тя, / Человеколюбче.

### **Песнь 6**

**Ирмос:** Пожру Ти со гласом хваления. Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

Сим же образом, яко святии дивно прославлени быша, / сице ревностно потщался еси, святителю, собеседник благочестивых мужей быти, / овых убо обители строити благословивый, / овым потребная подавая, / иных же Христа проповедати посылая, / блаженнаго же Василиа Московскаго своима рукама погребсти сподобивыйся, / с нимиже моли спастися душам нашим.

Всем образ веры и воздержания явился еси, о стаде Христове попечение неленостное имея, / Московскаго первопрестольнаго града и всея Российския земли утверждение, / Макарие боголюбиве, моли спастися душам нашим.

Троицкия обители настоятеля высоким саном почтил еси, поставив ю превыше всех, / темже любовь к Сергию преподобному показуя и грядущая святыя обители предначертывая. / Мы же, святителю, дивящесе твоей премудрости, взываем: / моли спастися душам нашим.

**Богородичен:** Лествице Небесная и Голубице неземная, / вси роди верных согласно Тя ублажают, / яко Богоневестную Матерь Христа Бога нашего.

**Катавасия:** Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани невреденну.

### **Кондак, глас 3:**

Богомудрым учением и книжным списанием / потщался еси, святителю Макарие, / люди российския просветити / и святых земли наша прославити. / Сего ради чуден пронаречесе, / преемниче первопрестольников российских, / моли сохранитися нам в вере и благочестии невредимо.

### **Икос:**

Павлову словеси поревновав, святителю Макарие, песньми почтил еси российских пастырей, учителей и наставников, / приснобдящих пред Престолом Небеснаго Царя о нашем отечестве, / с нимиже радуяся ныне, моли Христа Бога хранитися нам в вере и благочестии невредимо.

## Песнь 7

**Ирмос:** В печи авраамстии отроцы персидстей, / любовью благочестия паче, / нежели пламенем, опаляеми, взываху: / благословен еси в храме славы Твоя, Господи.

Вредная и пагубная еретических шатаний соборне осудил еси, святителю Христов, / всех же православных в вере в Троицу Единосущную укрепил еси, пред святыми иконами воспевающих: / благословен еси в храме славы Твоя, Господи.

Изнесе тя, святителю, земля Русская поборника веры и благочестия, / ревнителя отеческих преданий и утверждений, да научиши нас взывати: / благословен еси в храме славы Твоя, Господи.

Смирен, кроток и милостив был еси, святителю, / отроча нравом обретаеся и совершен быв разумом. / Мы же, дивящесе твоим добродетелем и подвигом, взываем: / благословен еси в храме славы Твоя, Господи.

**Богородичен:** Яко едину преестественно паче человека благодать во Твою утробу приемшую, / без истления нетленно рождшую Христа Бога нашего, / присно Тя славим.

**Катавасия:** Образу златому на поле Деире служиму, / трие Твои отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.

## Песнь 8

**Ирмос:** Руце распростер, Даниил / львов зияния в рове затче; / огненную же силу угасиша, / добродетелию препоясавшесе, / благочестия рачители, отроцы, взывающе: / благословите, вся дела Господня, Господа.

Пение сие наше скудное и похваление недостойное приими, чудне Макарие, / да не вотще взываем к Престолу Всевышняго: / благословите, вся дела Господня, Господа.

Великая деяния твоя о прославлении святых и просвещении народа русскаго / подвизают, досточудне Макарие, нас немолчно пети Богу: / благословите, вся дела Господня, Господа.

Похвалу великую Богу воздал еси, всеблаженне, / о просвещении невернаго града Казани, емуже святителя Гурия поставил еси, / темже русстии людие о таковой Божией милости радостию возопиша: / благословите, вся дела Господня, Господа.

**Богородичен:** Чудному благовещению удивися Пречистая Дева, / неискусомужному рождеству Ея возрадовахуся пастырие, / собори верных дивятся успению Ея славному, вопиюще: / благословите, вся дела Господня, Господа.

**Катавасия:** Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Нюже вниде

утробу. / тем воспевающе воспоем: / да благословит тварь вся Господа, / и превозносит во вся веки.

### **Песнь 9**

**Ирмос:** Камень нерукосечный / от несекомья горы, Тебе, Дево, / краеугольный отсечся, / Христос, совокупивый разстоящаяся естества. / Тем, веселящаяся, Тя, Богородице, величим.

**Макария Великаго** имя носил еси, / его житию последуя в посте и подвизах, воздержании и кротости, / тем тя, святителю, величаем. (Дважды).

**Ризами** погребальными одеяну и на смертном одре ти лежащу, / собор народа множества, видевше тя не яко мертва, но спяща, / лик же твой, яко светом, сияющ, / удивишася и славу воздаша всесильному Богу, прославляющему угодники Своя.

**Богородичен:** Юже иногда Иаков виде, чудную лествицу, от земли простерту к небесней высоте, / исповедаем Тя, Пречистая Богородице: / Тобою бо земная и Небесная общницы явишася.

**Катавасия:** Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

### **Светилен:**

**Светом** благодати просвещен был еси, святителю Макарие, / российских угодников и молитвенников наших песнями светло прославил еси, / с нимиже во светлостех святых веселяся ныне, / моли Христа Бога спастися душам нашим.

### **Слава, и ныне, праздника.**

**Посетил** ны есть свыше Спас наш, Восток востоков, и сущии во тьме и сени обретохом истину, ибо от Девы родися Господь.

### **На хвалитех стихиры, глас 6.**

#### **Подобен: Трдневен:**

**Блажен** и милостив / архиерей явился еси, / отче святителю Макарие, / предстал еси помилован Престолу Божию, / идеже со всеми святыми / Бога в Троице восхваляеши.

**Блажен** и кроток / пастырь овец духовных был еси, / отче святителю Макарие, / наследовал еси пажити вечныя, / идеже со святыми земли нашея / Господа Сил прославляеши.

**Блажен** и чист сердцем, / имже Бога узрел еси, / отче святителю Макарие, / сподобился еси красоты райския, / идеже с лики ангельскими / Отца Светов славиши.

**Б**лаженства зрелый клас, / егоже ницетою духа возрастил еси, / отче святителю Макарие, / пожал еси во Царствии Небеснем, / к сему же богатству нетленному / и нас, земнородных, призываеши.

**Слава, глас 2:**

**П**астырю добрый, святителю Христов Макарие чудный, / благочестия столп был еси, / многими добродетельми украсився: / собеседниче святых мужей, / книжниче премудрый, иконописче нарочитый, / просветителю изрядный, ересей искоренителю, / молитвенниче неленостный, / моли спастися душам нашим.

**И ныне, глас 2. Иоанна монаха.**

**Д**несь Христос в Вифлееме рождается от Девы: / днесь Безначальный начинается, / и Слово воплощается: / силы Небесныя радуются, / и земля с человеки веселится: / волсви Владыце дары приносят: / пастырие Рожденному дивятся. / Мы же непрестанно вопием: / слава в вышних Богу, и на земли мир, в человецех благоволение. Славословие великое и отпуст.

## НА ЛИТУРГИИ

### БЛАЖЕННЫ

- 1.** Прииде воплощся Христос Бог наш из чрева, егоже Отец прежде денницы раждает: правления же держа пречистых сил, в яслех скотиях возлежит, и пеленами повивается, разрешает же многоплетенныя пленицы прегрешений.
- 2.** Юно из Адама Отроча смешения, родися Сын, и верным дадеса, будущего века сей есть Отец, и Начальник, и нарицается великаго совета Ангел: сей крепок Бог есть, и держай областью всю тварь.
- 3.** Иже духовения причащся лучшаго Адам перстный, и к тлению поползся женскою лестию, Христа от жены видя, вопиет: иже мене ради по мне быв, свят еси Господи.
- 4.** Сообразен бренному умалению, растворением, Христе, быв, и причастием плоти горшия, подав Божественнаго естества, землен быв, и пребыв Бог, и возвысивый рог наш, свят еси Господи.
- 5.** Единым помыслом к Богу устремився, / во обителех преподобных Пафнутия и Ферапонта пребыл еси во всяцем воздержании, / отонудуже ко святительству Богом призван быв, Макарие досточудне.
- 6.** Святыя Церкви Новаграда пастырь и учитель был еси, / храмы украшая и духовною доброту люди исполняя, / пределы Новаграда светом Христовы веры просвещая, блаженне отче Макарие.
- 7.** Сим же образом, яко святии дивно прославлени быша, / сиче ревностно потщался еси, святителю, собеседник благочестивых мужей быти, / овых убо обители строити благословивый, / овым потребная подавая, / иных же Христа проповедати посылая, / блаженнаго же Василиа Московскаго своима рукама погребсти сподобивыйся, / с нимиже моли спастися душам нашим.
- 8.** Всем образ веры и воздержания явился еси, о стаде Христове попечение неленостное имея, / Московскаго первопрестольнаго града и всея Российския земли утверждение, / Макарие боголюбиве, моли спастися душам нашим.

### Тропарь Праздника, Глас 4:

Рождество Твое, Христе Боже наш, / возсия миру свет разума: / в нем бо звездам служащий, / звездою учахуся, / Тебе кланятся Солнцу правды, / и Тебе ведети с высоты Востока: \ Господи, слава Тебе.

### Тропарь Святителя, Глас 4:

Яко великим пастырем едионравна / и учителем вселенныя единомысленна, /

Божия Премудрости служителя изрядна, / иже блаженству тезоимениту, / днесь, вернии, вси воспоим: / Христа Бога моли, святителю Макарие, / умирить мир и спасти души наша.

### Кондак раздника, Глас 3:

Дева днесь Пресущественнаго раждает, / и земля вертеп Непреступному приносит: / ангели с пастырьми славословят, / волсви же со звездою путешествуют: / нас бо ради родися отроча младо, Превечный Бог.

### Кондак Святителя, Глас 3:

Богомудрым учением и книжным списанием / потщался еси, святителю Макарие, / люди российския просветити / и святых земли наша прославити. / Сего ради чуден пронаречеса, / преемниче первопрестольников российских, / моли сохранитися нам в вере и благочестии невредимо.

### Прокимен, глас 7:

**Прокимен :** Возвеселѣтсѧ прѣвникъ ѡ гдѣ и ѡповѣетъ на него̀.

**Стих:** Ѡслыши, бже, гласъ мой, всегда̀ моли́тимисѧ къ тебѣ.

### Апостол к Евреем, зачало 335.

**Братїе:** Повинѣйтесѧ наставникомъ ва́шимъ и покарѣйтесѧ: тїи бо бдѣтъ ѡ дшѣхъ ва́шихъ, ѣкѡ сло́во возда́ти хотѣще: да съ радостїю сїе творѣтъ, а не воздыха́юще, нѣсть бо полѣзно ва́мъ сїе. **Моли́тесѧ ѡ насъ:** ѡповѣемъ бо, ѣкѡ добрѣ совѣсть ѣмамы, во всѣхъ добрѣхъ хотѣще жити. **Ли́шше же молю,** сїе творїте, да вскорѣ ѡстроюсѧ ва́мъ. **Бгѣ** же мїра, возведы́и изъ мѣртвыхъ пастыремъ о́вца́мъ великаго кро́вїю завѣта вѣчнаго, гдѣ нашего іиса хрїта, да соверши́тъ вы во всѣхъ дѣлѣхъ блзѣхъ, сотвори́ти волю ег̀о, творѣ въ васъ благого́дное предъ нимъ іисъ хрїто́мъ: е́мже сла́ва во вѣки вѣкѡвъ. **Аминь.**

**Аллилуя, глас 4:** Сцѣнницы твоѣ ѡблекѡтсѧ правдою, и прѣвни твоѣ возрадоуютсѧ.

**Стих:** Ёкѡ извѣра гдѣ сїѡна, изволи и въ жилище себѣ.

### Евангелие Луки, зачало 24:

**В**о время оно, ста Исус на мѣстѣ равнѣ: и народъ оучникъ егѡ, и множество много людей ѿ всеа іудеи и іеріима, и поморїа турска и сїдонска, иже прїидоша послѣшати егѡ и изцѣлїтиса ѿ недѡгъ своихъ, и страждѡцїи ѿ дѡхъ нечїстихъ: и изцѣлїхсѧ. **И** весь народъ искаше прикасѧтиса емѡ: ѡкѡ сила ѿ негѡ исхождаше и изцѣлїше вса. **И** той возведъ очи свои на оучникї своа, глаше: блженїи нїцїи дѡхомї: ѡкѡ ваше естѣ црїтвїе бжїе. **Блженїи, ѡчѡцїи нїѣ: ѡкѡ насытитесѧ. Блженїи, плѡчѡцїи нїѣ: ѡкѡ возсїмѣтесѧ. Блженїи, ѡчѡцїи нїѣ: ѡкѡ насытитесѧ. Блженїи, плѡчѡцїи нїѣ: ѡкѡ возсїмѣтесѧ. Блженїи бѡдетѣ, егда возненавидѡтъ васъ человекѡцы, и егда разлѡчатъ вы и поносѡтъ, и пронесѡтъ ѡма ваше ѡкѡ сла, сна члѣвчєскагѡ радї. Возрадѡйтесѧ въ той дѣнь и възгрѡйтѣ: се бо, мзда ваша много на нбсї. По сїмѣ бо творѡхъ пррѡкѡмѣ отцѡи ѡхъ.**

**Причастен: Въ пѡмѡть вѣчнѡю бѡдетъ прѡвникъ, ѿ слѡха сла не оубоїтсѧ:**

**МОЛИТВА  
СВЯТИТЕЛЮ МАКАРИЮ,  
МИТРОПОЛИТУ МОСКОВСКОМУ И ВСЕЯ РУСИ**

**О** великий святителю, Церкви Российской первопрестольниче, града Москвы пастырю и учителю, отче наш Макарие блаженне, добре подвиг жития твоего совершивый и дерзновение у Господа стяжавый! К тебе во умилении сердец наших припадаем и усердно молим: буди о нас теплый предстатель у Престола Вседержителя и умоли Всеблагаго Бога: да не презрит нас, во многая и лютыя грехи впадших, но дарует нам вся благая и необходимая, яже ко спасению. Вемы бо, яко немощни есмы, но молим тя усердно, святителю Божий, предстательством твоим сохрани невредимо всероссийскую паству, юже во святительстве твоём добре упасл еси. Архиереем и пресвитером у Господа испроси мудрость, во еже право правити слово Божественныя истины, жертвенную любовь и ревность о спасении, да не погибнет ни един от паствы их; иночествующих в подвизах укрепи, в мире живущим истинный и потребный им, иже во Христе Иисусе, образ жителствованія покажи; веру нашу укрепи, любви нелицемерней друг ко другу научи, в надежде на милосердие Божие утверди.

Еще же молим тя, святителю, испроси нам у Всемилоствиваго Бога духа разума и премудрости, да украсимся истинным боговедением спасительных писаний святых отец и мудростию их творений.

Ей, святителю Божий, о мире всего мира Господа умоли, страну нашу твоим предстательством в мире и безмятежии соблюди; вся люди отечества нашего в добрем расположении друг ко другу сохрани и чужды междоусобных нестроений покажи; вся грады и веси добре сохрани, святую веру в людех непорочну соблюди. Буди всем нам скорый помощник в нуждах наших, да тобою окормляеми, мирно и благочестно проживем в жизни сей, да сподобимся и вечных благ восприятия на Небеси, славяще и превозносяще Отца и Сына и Святаго Духа и твое милостивное о нас предстательство во веки веков. Аминь.

